

**2011 Rhif 990(Cy. 144)**

**Y GWASANAETH IECHYD  
GWLADOL, CYMRU**

Rheoliadau Ymddiriedolaeth  
Gwasanaeth Iechyd Gwladol Iechyd  
Cyhoeddus Cymru (Aelodaeth a  
Gweithdrefn) (Diwygio) 2011

**NODYN ESBONIADOL**

*(Nid yw'r nodyn hwn yn rhan o'r Rheoliadau)*

Mae'r Rheoliadau hyn yn diwygio Rheoliadau Ymddiriedolaeth Gwasanaeth Iechyd Gwladol Iechyd Cyhoeddus Cymru (Aelodaeth a Gweithdrefn) 2009 (O.S. 2009/1385 (Cy.141) drwy symud ymaith y gofyniad ar gyfarwyddwyr anweithredol i gynnwys person sydd yn swyddog o undeb llafur neu gorff cynrychioliadol arall o gyflogeion sy'n cynrychioli staff Ymddiriedolaeth Gwasanaeth Iechyd Gwladol Iechyd Cyhoeddus Cymru.

Mae yna hefyd fân ddiwygiadau i reoliad 1(2) (dehongli), paragraff 2 o Atodlen 1 (gweithdrefnau ar gyfer penodi'r cadeirydd a chyfarwyddwyr anweithredol), a pharagraff 2(2) o Atodlen 2 (rheolau ynghylch cyfarfodydd a thrafodion yr Ymddiriedolaeth).

**2011 Rhif 990(Cy. 144)**

**Y GWASANAETH IECHYD  
GWLADOL, CYMRU**

Rheoliadau Ymddiriedolaeth  
Gwasanaeth Iechyd Gwladol Iechyd  
Cyhoeddus Cymru (Aelodaeth a  
Gweithdrefn) (Diwygio) 2011

*Gwnaed* 29 Mawrth 2011

*Gosodwyd gerbron Cynulliad Cenedlaethol  
Cymru* 30 Mawrth 2011

*Yn dod i rym* 23 Mehefin 2011

Mae Gweinidogion Cymru yn gwneud y Rheoliadau a ganlyn drwy arfer y pwerau a roddwyd iddynt gan adrannau 18(4), 203(9) a (10) o Ddeddf y Gwasanaeth Iechyd Gwladol (Cymru) 2006 a pharagraff 4 o Atodlen 3 iddi(1).

**Enwi a chychwyn**

1.—(1) Enw'r Rheoliadau hyn yw Rheoliadau Ymddiriedolaeth Gwasanaeth Iechyd Gwladol Iechyd Cyhoeddus Cymru (Aelodaeth a Gweithdrefn) (Diwygio) 2011.

(2) Daw'r Rheoliadau hyn i rym ar 23 Mehefin 2011.

**Diwygio Rheoliadau Ymddiriedolaeth Gwasanaeth  
Iechyd Gwladol Iechyd Cyhoeddus Cymru  
(Aelodaeth a Gweithdrefn) 2009**

2.—(1) Diwygir Rheoliadau Ymddiriedolaeth Gwasanaeth Iechyd Gwladol Iechyd Cyhoeddus Cymru (Aelodaeth a Gweithdrefn) 2009(1) fel a ganlyn.

(2) Yn rheoliad 1(2) (dehongli), hepgorer y diffiniad o “undeb llafur”.

(3) Yn rheoliad 5(1) (cyfarwyddwyr anweithredol), hepgorer is-baragraff (ch).

(4) Yn rheoliad 10 (terfynu deiliadaeth swydd cadeirydd a chyfarwyddwyr anweithredol), yn lle rheoliad 10(8), rhodder—

“Os bydd y cyfarwyddwr anweithredol y cyfeirir ato yn is-baragraff (c) o reoliad 5(1) yn peidio â bod yn un o aelodau neu o gyflogeion corff sector gwirfoddol yng Nghymru, bydd Gweinidogion Cymru’n terfynu ei benodiad yn gyfarwyddwr anweithredol.”.

(5) Ym mharagraff 2 o Atodlen 1 (gweithdrefnau ar gyfer penodi’r cadeirydd a chyfarwyddwyr anweithredol), yn lle “aelodau” rhodder “gyfarwyddwyr”.

(6) Ym mharagraff 2(2) o Atodlen 2 (rheolau ynghylch cyfarfodydd a thrafodion yr Ymddiriedolaeth), yn lle “yr aelodau” (llynell 3) rhodder “y cyfarwyddwyr” ac yn lle “aelodau” (llynell 7) rhodder “gyfarwyddwyr”.

*Edwina Hart*

Y Gweinidog dros Iechyd a Gwasanaethau Cymdeithasol, un o Weinidogion Cymru

29 Mawrth 2011

---

(1) O.S. Rhif 2009/1385 (Cy.141).